

Melbourne

Also, dä Nils hät mir kein „Chäs“ aagäh, s'isch tatsächlich uh chalt dah! Nachdem I mis 14'er Zimmet, wo es riiese Chaos gsii isch, bezoge han, bin I id City! Ha gad z'erscht mini Haar abgschnitte, das isch ja nüm zum aluege gsii!:) Chli churz aber er hät's guet gschnitte, für 35 Franke! Wo i uf em Stüheli gsesse bin, lüütet s'Natel, de Nils und Zuefäll gits, er isch au grad am Häärli schniede gsii!!

Am Abig sind mir uf en Apèro is Openair Kino, und da mir mit Pulli und Jagge fascht verfrohre sind, sind mir denn schnell id Schwiizer Gaststube! Ja isch kein Witz, in Melbourne ha i Chäs Fondue gha, Apfelstrudel und als abschluss Appezeller! ☺

Da i im Moment chli e Pfuusmuus bin, käs Wunder aber bi därä Chelti wird jede zum Murmeltier, händ mir üs am 2. Tag erst uf dä Mittag troffe. Zerscht go z'mittag esse, mit dä Esther, em Peter und em Zubi (lüüt vom Nils sim Gschäft), denn sind mir uf Shoppingtour. Ha aber glücklicherwiis nüt gfunde, min Rucksack isch eh scho uh schwer. Am Abig sind mir wieder is Openair Kino und i ha sogar en „Staff Vip“ Bändel übercho. Dä Nils hät mir als Erinnerung au no es Ticket uusdruckt! S'isch eifach wieder sauchalt gsii, bin mir scho chlie wie im Winter vorchoo, aber g'schneit hät's denn doch nid! Am letschte Tag han i zerscht mis Gepäck zum Nils is „Luxus Apartment“ bracht im 17. Stock!

Am Namittag sind mir no id Stadt, go zmittag ässä und händ chli „quatscht“ isch so richtig friedlich gsii! Am Abig han i denn müesse Abschied näh!:(Nach 6 Tag, wo so super lustig gsii sind, isch mir das nid eifach g'falle! I ha im Nils en mega guete Fründ gfunde und d'Party i dä Schwiiz isch scho abgmacht